



pngelectionprinting.com

THEODIST LTD
THE STATIONERY SUPERMARKET

POSTERS BANNERS CARDS A-FRAMES FLYERS CAR STICKERS CORFLUTE SIGNS

INSAIT

ELECTORAL COMMISSION
Papua New Guinea

PNG rausim sios wokman

32 pes
saplimen i stap insait

Lukim
komik pes
insait - P22



NCD/SENTRAL IREDI: Join Operesen bilong Polis, Ami na CS i redi long karim aut wok bilong lukautim Ileksen long Nesenel Kapital Distrik na Sentral Provins. Sif bilong Operesen na Depuiti Polis Komisina Jim Andrew i lonsim dispela join operesen long Sarere wantaim NCD/Sentral Komanda ACP Sylvester Kalaut long Boroko Polis Stesin. *Poto Nicky Bemad. Lukim stori long pes 2.*

KATOLIK sios lei misineri, Douglas Tennent i laik kam bek long kantri na helpim ol papa-graun long kisim bek graun bilong ol.

Dispela graun em bikpela Malaysia loging kampani, Rim-bunan Hijau, i kisim long ol papagraun na wok long kamapim ol wok we ol papa-graun i no laikim long em.

Tennent bilong Nu Silan i lusim kantri long Mande bilong wanem ol PNG Imigresen opis i tok em i brukim lo bilong stap long kantri na tu em i no bihainim lo bilong tok orait bilong stap wok long kantri, olsem na em i mas go.

Bisop Rochus Tata-mai, presiden bilong Katolik Bisop Kon-frens long dispela wik i tok Tennent i man bilong pait long

jastis na long pait long rait bilong ol lik-lik manmeri.

Redio Nu Silan i ripot na tok taim Tennent i kamap long Nu Silan em i tok em i laikim tu-pela samting. Em i tok. "Mi laik go bek na pinisim wok mi statim (long ol papa-graun i kisim bek graun bilong ol."

"Imigresen Opis i mas tokim mi long wanem lo mi brukim bai mi ken bekim."

Bipo long em i go em i tok maski loa bilong em i kisim "Stay" oda long stopim ol opisa bilong imigresen long rausim em i go, tasol ol opisa i go het long rausim em.

Rimbunan Hijau i save katim diwai long Pomio distrik na bihain i save planim wel pam.

Em i tokim Redio Nu Silan olsem taim em i lusim Rabaul ol opisa i kisim mobail telepon bilong em.

Dispela i mekim em i hat long toktok wantaim Opis bilong Rabaul Asdaiosis na loa bilong em.

Bihain long dispela em i kisim tok long Sif Maigresen Opisa olsem i tambu long em i toktok wantaim ol ausait lain.

Ol i givim bek mobail bilong em taim em i stap insait long "Dipatsa launs na dispela i leit long em i ken toktok gut.

"Taim mi kisim bek pon, mi ringim loa bilong mi na em i tok 'mipela i kisim pinis Stay oda bilong yu,'" Tennent i tok.

Tasol taim em i toksave long ol opisa, em i kisim tok-save olsem em i no inap long stap bek.

Em i kisim oda

long Fraide na Mande ol opisa i rausim em i go aut long kantri.

Tennent bipo i bin wok olsem wanpela leksera o tisa bilong skul bilong lo long Yunivesiti bilong Papua Niugini (UPNG).

Asbisop bilong Rabaul, Francesco Panfilo, i tok i gat bikpela asua long dispela oda na i bikpela pasin ko-rapsen.

Em i tok ol opisa i sapatim ol bikpela kampani we i bagarapim laip na samting bilong ol na i no tingting long ol liklik manmeri.

Wantok Niuspepa i traim long kisim bekim long opis bilong Imigresen tasol i no gat inap taim pastaim long pepa i go long prin.

FREE TOKTOK

K1

TASOL

Lukim page 19 lo moa.

Skel Rice MEDIUM GRAIN

Also available in 200g

goodman fielder

PVM28615b

SMILES AT MEAL TIME



De bilong vot kam klostu



Russel Wavik, kendidet i resis long Mosbi Not Wes.

Motu Koitabu manmeri sapotim asples kendidet

Paul Zuvani i raitim

OL manmeri long Motu Koitabu long Nesenel Kapitel Distrik i tok ol inap pinis long sapotim ol ausait kendidet na nau bai sapotim tasol asples kendidet, wanpela sapota i tok.

Vani Vaki bilong Elevela, Hanuabada i tok ol ausait kendidet i no save lukluk gut long wari na hevi bilong ol. Dispela i mekim ol i senisim tingting na laik sapotim wanpela asples stret.

Em i tok ol asples i gat wari osem ol lida man ol i votim i no pait long rait bilong ol we ol ausait lain i wok long kisim nating graun bilong ol na ol arapela samting bilong ol.

Long givim baksait long ol ausait kendidet Vaki i tok bikpela piksa em long tupela wiken i go taim Paul Paraka i laik kamapim rali bilong em long Elevela.

Ol Motu Koitabu ples long Mosbi Not Wes ilektoret em Hanuabada, Baruni na Tatana.

Ol Motu Koitabu ples long Mosbi Saut em Vabukori, Korobosea, Kialakila na Pari. Mosbi Not Is em miks we ol manmeri bilong narapela provins i kam long em. I no gat bikpela Koitabu asples long Mosbi Not Is. Tasol i gat ol Koitabu ples osem ol Koiari long Laloki na Sogeri we dispela is tap long Kairuku Hiri distrik long Sentral provins.

Tasol long Mosbi Saut na Mosbi Not Wes Vaki i tok ol bai sapotim tasol ol asples kendidet.

PNG Ilektoral Komisina Patilias Gamato i tok nesenel ileksen bai stat long neks wik Sarere long 24 Jun long olgeta provins.

Sampela provins bai stat long dispela de tasol sampela bai stat sampela de bihain osem 26 Jun.

Gamato i tok sampela provins bikos long isi hap ol i gat long em osem Nesenel Kapitel Distrik em

Komisin bai holim wanpela de bilong ol manmeri i vot. Dispela de em 27 Jun.

Sampela provins we Komisen bai holim wanpela de ileksen em bikos long hevi bilong sekjurit.

Dispela ol provins em long Hailans rijen.

Isten Hailans, Simbu na Hela em ol bai go long vot long Jun 26. Jiwaka na Sauten Hailans long Jun 30

na Enga na Westen Hailans long Julai 4.

Olgeta arapela provins em wan wan wod na distrik bilong ol ol bai vot stat long ol de namel long Jun 24 i go long Julai 8.

Ol de bilong kaunim ol balot pepa bai stat long taim vot i pinis long dispela distrik na i mas pinis long Julai 23.

Long Julai 24 Komisen bai bringim bek ol ileksen rit i go long Gavana Jeneral long Gavman Haus.

Long ol arapela nius Komisin i stat long salim

I gat nius osem Australia Ami balus i stat long kisim i

go ol bikpela wok bilong ileksen osem balot pepa, pen bilong penim han bilong ol vota, ilektoral rol na kendidet posta.

Em i stat mekim dispela ol wok long las wik.

Gamato i tok namba wan ran bilong balus i go long Bogenvil na Manus.

"Mipela i redi long vot i stat."

Namba tu ran i go long Noten, Wes Sepik, Is Sepik na Milen. Ran bilong Morobe, Madang na Westen bai kamap long liklik taim.

"Mipela i plen long kisim i go aut olgeta tok na samting bilong ileksen wok long

ol provins long dispela wik," Gamato i tok.

"Mi amamas long wok i kamap nau.

"Mi tok tenk yu long Ami bilong Australia long helpim."

Gamato bai go long Galp tumora long bringim las ol samting bilong ileksen we i go long ol provins.

Kontrak long yusim ol helikopta em Sentral Saplaina Tenda Bod (CSTB) i givim go aut long ol helikopta kampani pinis we ol bai trenspotim ol opisa long taim bilong vot.

Em i no tokaut long nem bilong displea ol kampani.

Fairweather tok oposisen mas win pastaim na miting

OL KENIDET husat i resis long oposisen politikol pati na ol dispela lida i tingting long kamap praim minista i mas winim sia pastaim, bihain toktok long kamap praim minister.

Dispela em toktok bilong deputi lida bilong Pipols Progres Pati (PPP), Ken Fairweather i mekim bihain long ripot long niuspepa, redio, TV na sosel midia i kamaut osem sampela ol lida bilong ol politikol pati i wok long bung na toktok pinis long kamapim nupela gavman.

Mista Fairweather, husat em nesenel memba (MP) bilong Sumkar i tok nau yet i gat planti kwesten tru long oposisen husat tru em ol bai makim long kamap praim minista.

Em i tokaut osem nau yet man husat i ken kisim ples bilong praim minista em Oposisen lida, Don Polye. Tasol nau yet planti lida i gat hait tingting na soim intares tu long kamap praim minister.

Fairweather i bin kamapim dispela toktok bihain long wanpela miting i bin kamap long Airways Hotel long Mosbi las wik we i lukim ol pati lida bilong PPP, PNG Nesenel Pati, Nesenel Alaiens na ol lida osem Sir Mekere Morauta, Sir Michael Somare, Arthur Somare na ol pati eksekutiv i bung na pasim toktok. - **James Kila i raitim**

Join Polis operesen redi long NCD na Sentral

Nicky Bernard i raitim

POT Mosbi na Sentral Provins bai lukim bikpela men pawa long Polis, Ami na CS long taim bilong Ilek-sen.

Long Sarere Dupiti Polis Komisina Operesen, Jim Andrew i bin opim dispela

operesen taim ol i mekim wanpela spesel pered long fran bilong Boroko Polis Stesin.

Mista Andrew i givim strongpela toktok long ol Polis, Ami na CS opisa husat bai mekim wok long ileksen long mekim gut wok bilong ol.

Em i tok NCD bai kisim wanpela de long makim vot na dispela de olgeta join fos mas wok bung wantaim long lukim siti em i trabel fri.


Diputi Komisina Operesen Andrew i tokim ol join opisa osem ol i gat inap men pawa na em save osem ileksen long NCD na Sentral bai go orait sapos olgeta i wok bung wantaim.

Em tokim ol opisa bilong Polis, Ami na CS osem , ol i no ken mekim wok long ol Ilekotral Opisa, wok bilong ol long lukautim ol opisa bilong Ilektral Komisin na lukim osem olgeta wok mas ran gut tasol.

Dispela pered mas long Sarere long Boroko i statim wok operesen bilong NCD na Sentral long taim bilong ileksen. Planti ol publik manmeri na pikinini i bin stap tu long lukim dispela pered.



Ol join Polis, Ami na CS redi long wok long NCD na Sentral. Ol tu bai stenbai long Oro na Milen Be. Poto Nicky Bernard.



WE ARE WHERE YOU ARE

BSP has the largest network of access points in PNG.

- 40+ Branches
- 40+ Sub Branches
- 170+ Agents
- 300+ ATMs
- 7,500+ EFTPoS

WE ARE BSP

www.bsp.com.pg





Komentri

Stretim rot bilong bringim marasim i go hariap long ol haus sik

OL bikpela haus sik long kantri i bin tokaut las wik olsem ol i sot nau long marasin.

Madang, Mt Hagen, Pot Mosbi na Angau haus sik i no inap long helpim wanpela sikman na ol pikinini bikos marasin i sot.

Las wik i bin gat sampela ripot i kamap long ol niuspepa na televisen na redio long dispela bikpela hevi Helt Dipatmen i bungim nau.

Ol lida i wok long sutim tok long Dipatmen bilong Helt long taim dispela hevi i bin kamap.

Las wik Seketeri bilong Helt i bin tokaut olsem em i no wok bilong dipatmen bilong em long makim ol kampani long saplaim marasin long ol haus sik.

Em i tok dipatmen i mekim pepa wok bilong skelim ol kontrakta na i lusim long han bilong Sentral Saplai na Tendas Bod (CSTB) na ol i ken putim

aut long pablik na ol kampani i aplai long kisim dispela tenda.

Long Sande, Sief Seketeri, Isaac Lupari i tokaut olsem asua bilong marasin i sot em bikos ol pablik



sevan i no mekim gut wok bilong ol.

Em i tok gavman i skelim inap mani tasol ol pablik sevan i no mekim wok bilong painim kampani bilong saplaim ol marasin na lukim olsem ol marasin i go stret long ol haus sik.

Em i tok i gat ol hevi tu bilong mensmen insait long helt dipatmen i kamapim sampela bilong ol dispela hevi.

Sief Seketeri i tok gavman i makim faivpela kampani nau long saplaim marasin i go long ol haus sik insait long kantri.

Ol gavman opisa long dipatmen bilong praim minista, helt na tresari na fainens i bin bung na paitim toktok long painim rot bilong stretim dispela hevi bikos ol i no laik lukim ol rotblok i kamap long stopim marasin i go hariap long ol haus sik.

Planti milien Kina i save lus long olgeta yia bikos i no gat gutpela rot bilong salim ol marasin i go hariap long ol haus sik. Sief seketeri i tok tu olsem mobeta ol pipel i no ken sutim tok long gavman na ol lida long taim marasin i sot bikos dispela em i asua bi-

long ol pablik sevan.

Long dispela yia gavman i bin makim K160 milien long baset, tasol ol i bin givim K51 milien tasol na bai ol i givim narapela K20 milien long dispela mun.

Nau i taim bilong ileksen na gavman i wok long paitim broslong fri edukesen na helt sevis long kantri. Tasol sapos marasin i sot long ol haus sik na ol bosman i sutim tok i go i kam bai ol pipel i bilip long dispela gavman o nogat. Ating bai nogat ya, olsem na nau ol top pablik sevan long Waigani i sotwin long stre-

tim hariap dispela bikpela hevi insait long ol haus sik long kantri. Ol i no laik gavman i lus long ileksen bikos long dispela hevi bilong marasin i sot.

Yumi no ken sutim tok o pulim longpela stori tumas na askim watpo dispatmen bilong Helt na CSTB i no hariap long putim nupela tenda long las yia yet taim kontrak bilong saplaia i bin pinis. Asua i kamap pinis.

Nau em i taim bilong painim nupela rot, stretim ol eria we i no smat long mekim wok, na lukim olsem olgeta haus sik na helt senta na ol liklik etpos na klinik long kantri, i gat marasin bilong givim ol sikman na meri wantaim ol pikinini.

Marasin i save helpim laip bilong manmeri. Laip em i impoten na em i wok bilong gavman long lukim olsem ol sevis bilong en, i kamapim tru wok bilong helpim sindaun bilong ol pipel.

Makim ol rait pablik sevan husat inap long mekim gut wok bilong sevim kantri na ol pipel.



OLGETA TAIM

Kisim **1** hour fri toktok lo **K1** tasol.

Ringim ***111#** na subscribe nau!

bmobile | vodafone
Poroman network



76003555 or 1555
connect@bmobile.com.pg
facebook.com/bmobile.Vodafone
www.bmobile.com.pg

Yu yet Skelim...



Klaimet Senis i kamapim bikpela senis long sampela ailan long Manus Provins..Bipo yu kisim supsup na fising lain i go long solwara. Nau yu kisim sawol na go long solwara long rausim kaukau o tapiok bilong yu long gaden..Gaden i stap insait long solwara nau.



Toro



Biabia



Kanage



WOK BILONG KATIM PAWA

PPL i laik toksave long ol kastoma bilong mipela olsem stat long Jun 1 i go long Disemba 31, 2017, olgeta lain kastoma husat i gat dinau long ilektrisiti bil wantiam isipei na kredit mita bai mipela katim pawa. Mipela bai konektim pawa saplai gen taim kastoma i baim olgeta dinau bilong en wantaim ol rikoneksen fi em K106.70 long taim bilong wok na K211.20 bihain long ol aua bilong wok.

Sapos ol lain i yusim pawa na i no save baim pawa bil hariap, mipela bai katim pawa bilong ol tu, na sapos ol i baim olgeta bil, mipela bai senisim mita bilong ol long kamap pripei isipei mita long ol taun we i senis long kisim ol isipei mita.

Insait long ol taun we ol i no senis yet i go long isipei, ol kastoma i mas stat long baim ol dinau bilong ol bilong bipo, bikos dispela toksave bai mipela i bihainim long senisim olpela mita i go long isipei mita. Sapos ol i no baim dinau bilong olgeta, mipela bai katim pawa saplai bilong ol na mipela bai no inap long putim bek gen inap taim ol i baim olgeta dinau bilong ol.

Long ol kastoma husat i gat dinau bilong pastaim kredit mita na i go long isipei mita, mipela i askim long yu mas go long wanpela PPL opis i stap klostu long yu na stretim pawa bil bilong yu. Ol dispela pasin bai kamap:

- Dinau long mak bilong K1 i go K999 – ol i mas baim olgeta long wanpela taim tasol.
- Dinau long mak bilong K1000 na i go antap – 60 pesen ol i mas baim pastaim wantaim ol narapela hap i stap yet bai ol baim insait long 12-pela mun.

Sapos ol i no mekim olsem, PPL bai go aut na katim ol pawa i go long ol isipei sistem na tu ol bai katim pawa long ol mita inap ol kastoma i baim olgeta dinau bilong ol. PPL i mekim wok long mekim ol kastoma husat i gat dinau long ol i mas baim dinau o nogat bai kisim mekim save long ol pawa saplai bilong ol bai mipela i katim na long putim bek em i no isi.

Husat man i brukim lo long konektim pawa nating long stilim pawa, PPL bai painim yu yet na saplai bilong yu bai pinis olgeta na mipela bai rausim ol pawa pol fuis na ol pawa lain bai raus inap yu baim olgeta pawa bil, na ol mekim save fi na nupela koneksen fi.

Mipela askim ol kastoma long baim ol bil long PPL opis na bai ol i givim yu risit. PPL bai i no inap long kisim asua long mani ol kastoma i baim long narapela man o meri na ol i no givim opisal risit.

Tok i kam long PNG Power Corporate Relations.

Yumi givim Vot long kendidet..

I no Kendidet givim Vot long yumi.. Yumi gat Pawa long Votim em!

Votim aut Korapsen!

Taim bilong yumi sanap na makim gut lida husat bai givim sevis long pipel long dispela 2017 lleksen. Noken aipas bikos yu kisim moni long ol kendidet na yu givim vot. Skelim gut na yu givim vot.

Wantok Niuspepa kempen long Stopim Korapsen!

Hunters i soim stret kala long asples

Philemon Tame i raitim

SP HUNTERS i soim stret kala na pait strong long daunim ol Souths Logan Magpies, 12-8, long raun namba 14 bilong Intras Supa Kap resis i bin kamap long Nesenel Futbol Stadium long Pot Mosbi long las wik Sande.

Planti asua i kamap namel long tupela tim wantaim we ol i dropim bal planti taim, tasol ol Hunters i winim resis bihain long ol i bin strongim

banis bilong ol.

Hunters i kisim strong long asples bilong ol na i slekim bun bilong ol Magpies bikos stedium i pulap wantaim ol sapota bilong ol Hunters tasol.

Hunters i putim namba wan trai wzahtaim konvesen kik i go insait i lukim ol i stap pas wnataim 6 poin.

Ol Magpies i no westim taim long bekim trai bilong ol long namba 32 minit bilong resis taim, tasol o Hunters i stap pas yet, 6-4, i

go inap taim bilong malolo bihain long konvesen kik bilong ol i no go insait.

Long namba 61 minit bilong resis taim, ol Hunters i putim namba tu trai bilong ol we Ase Boas isi tru kikim konvesen i go insait long skruim skoa i go antap long 12-4 poin.

Ol Magpies i bekim traim bilong ol long las minit, tasol konvesen kik bilong namba tu trai i no go insait tu na ol Hunters i daunim ol wantaim 4 poin.

Referi i no mekim gut sampela disisen

Nicky Bernard i raitim

PNG Kapul i lus long namba tu pilai bilong ol long ol Solomon Ailan long OFC wol kap kwalifaia long long Rasasia.

Solomon Ailan i topim grup A nau na bai pilai wantaim top tim bilong grup B em Nu Silan.

PNG Kapul i bin go long Solomon Ailan long las wik Sarere na pilai long hap tasol ol i bin lus long Solomon 3-2.

Ol Kapul i lukautim namba tu gem long Tunde long nupela PNG Futbol Stadium tasol ol lus gen long Solomon 2-1.

PNG Kapul i bin skoa pas taim Raymond Gunemba i kisim lus bal long gol kipa bilong ol Solomon Ailan long wanpela strongpela kros kik i kam long Nigel Dabinyaba

Dispela gol i mekim ol Kapul i pilai strong long olgeta hap kona bilong pilai graun long stopim ol Solomon Ailan long brukim banis bilong ol.

Long 33 minit bipo long hap taim Solomon Ailan i mekim wanpela kros kik go long rait wing bilong ol we i mekim gol kipa bilong ol Kapul i kam aut long gol mak.

Dispela i mekim winga bilong Solomon Ailan i kos bal go bek insait long mak bilong Kapul tasol tupela bek lain bilong Kapul i stap na rausim bal, tasol i go stret long pilaia bilong Solomon Ailan.

Pilaia bilong Solomon Ailan i kikim gen bal go stret long han bilong Felix Komolong na kamapim dairek penelti long mak bilong Kapul.

Felix Komolong tu i kisim red kat we dispela em i no debret han bal na referi i givim red kat we i no go gut long kosa bilong PNG Kapul Flemming.

Dispela nau i mekim ol Kapul i sot long wanpela pilaia na mekim ol Solomon Ailan i kisim sans long atekim gol mak bilong Kapul klostu klostu na kamapim

wanpela gol gen bipo long hap taim. Solomon Ailan go long hap taim wantaim 2-1.

PNG Kapul i kam bek long namba tu hap wantaim wanpela tingting long strongim banis bilong ol na stopim ol pilaia bilong Solomon Ailan long no ken holim bal longpela taim. Dispela stail pilai bilong ol mekim hat long Solomon Ailan long skoa.

PNG Kapul i gat sampela liklik sans long skoa long namba tu hap tasol lek bilong ol i no painim taget bilong gol mak bilong Solomon Ailan.

Sampela disisen bilong referi bilong Japan i no go gut long sampela ol sapota bilong PNG Kapul, ol olupela soka pilaia na ol referi bilong PNG.



Magpies pilaia i pasim ai na taitim bun long takelim mangi PNG. Poto/ Nicky Bernard.

Trukai Fan Ran resis kamap namba wan

Philemon Tame i raitim

Trukai Fan Ran bilong dispela yia, 2017, i bin kamap long las wik Sande long Pot Mosbi i lukim planti tausen manmeri na pikinini i pulmapim Sir John Guise Stadium.

Sampela manmeri na pikinini i karap na lusim haus bilong ol long 1 kilok moning long go long Fan

Ran resis.

Stedium i pulap wantaim moa long 20, 000 manmeri na pikinini we planti lain i stap ausait long stedium bikos i nogat inap spes insait long stedium.

Ol etlit bilong Tim PNG i redi long makim kantri na go resis long Pasifik Mini Gems bai kamap long Vanuatu.

Seketeri Jenerel bilong PNG Olimpik Komitei, Auvita

Rapilla, i tok, ol i reisim manmeri long Trukai Fan Ran T-Slot i bilong helpim ol PNG etlit long go long Pasifik Mini Gems.

Matt Scott na Brent Tate i wokabaut wantaim long Fan Ran resis i bin kamap long las Sande.

Dispela em i namba 18 taim bilong Trukai long go pas long Fan Ran resis long kantri.



MIDIA RILIS

TAMBU BILONG KISIM OL NUPELA KOPI PRODAKSEN TEKNOLOJI/NUPELA WEI I KAM INSAIT LONG KANTRI LONG KOPI INDASTRI BAI YUSIM

Bihainim lo bilong Coffee Industry Corporation (Statutory Functions and Powers) Ekt 1991 na olgeta polisi na gaidlain bilong en, Kofi Indastri Kopresen i laik toksave long ol stekholda bilong kofi indastri olsem i gat wanpela bikpela tambu i stap long kisim ol nupela prodaksten teknologi/nupela wei long kam insait long kantri bilong kofi indastri bai yusim.

Dispela tambu i karamapim olgeta bailojikal ogenesisem olsem ol hap bilong ol plen, egrikalsa kemikel na kofi prosesing ikwipmen we i no stap long ol kain samting we i gat tok orait bilong indastri long yusim. Dispela eksen em bilong banisim indastri long no ken kisim ol sik we bai birua long kofi prodaksten na kwaliti bilong kofi. Wanpela eksampel em long kofi beri bora we i kam insait. Dispela em i gat tingting olsem em i kam insait long kain rot we i no bihainim stretpela rot long kisim ol sit o hap diwai i kam insait.

Bai gat strongpela mekim save olsem sas bilong ol trabel man long ol lain husat i no bihainim dispela toksave. Sapos wanpela man i no klia long dispela toktok orait em i mas toktok long tupelo Jeneral Menesa long CIC, Mista Steven Tumae long telepon namba 531-1200 na Dokta Mark Kenny long telepon namba 537-3511 long kisim moa tok klia.

Tok orait i kam long:

CHARLES DAMBUI
Sif Eksekutiv Opisa

Vipers i no win long asples

Philemon Tame i raitim

NCD POT Moresby Vipers i sainim namba 6 lus bilong ol long Digicel Kap resis bihain long ol Hela Wigmen i daunim ol, 28-8, long asples bilong ol Vipers long Pot Mosbi.

Resis i kamap long las wiken i makim namba 6 raun bilong Digicel Kap na ol Vipers i no gat wanpela poin long skoa bod yet.

Ol Wigmen i soim kala bilong ol gut tru we ol Vipers i painim hat tru long strngim banis bilong ol na ranim bal gut.

Ol boi Hela i isi tasol slekim bun bilong pl na daunim ol wantaim 20 poin.


Long Wigmen i putim mak long skoa

bod long namba 6 minit bilong resis taim na i stap pas wantaim 6 poin bihain long konvesen kik bilong ol i go insait.

Pait namel long tupela tim i kamap strong na ol Vipers i bekim trai bilong ol Hela tasol konvesen i no go insait na ol Hela i stap pas yet, 6-4, inap ol i bungim taim bilong malolo.

Bihain long malolo, ol Wigmen i putim tripela trai insait long 30 minit na bringim skoa bilong ol i go antap long 28.

Ol mangi Mosbi i putim wanpela trai na bringim skoa bilong ol i go antap long 8 poin bihain long konvesen i no go insait, tasol pinis bilong resis taim i bungim ol na ol Tari i win.



SPOT'S

Lukim websait
bilong mipela

www.wantokniuspepa.com

Namba 2230

Jun 15 - 21, 2017

WHITE TUNA FLAKES
DIANA *White*

WHITE TUNA
insait
K 2.20



Tasty and Flavourful White Tuna for Everyone!

PROUDLY PNG MADE
Manufactured by:
RD Tuna Cannery Ltd.

Kapul daun SI Topim pul A



Kepten bilong PNG Kapul Michael Foster
i lukluk long salim bal long gol mak
bilong Solomon Ailan. Poto Nicky Bernard.

ritim moa stori long pes 39

Valvoline

PMV

DIESEL
OIL



PMV OIL BILONG YUMI

**BOROKO
MOTORS**

- PORT MORESBY 325 5255
- LAE 472 1144
- MT HAGEN 542 1933
- TABUBIL 649 9048
- KIMBE 983 5035
- MADANG 422 2659
- KOKOPO 982 8193
- GOROKA 532 3552

Email: bminfo@borokomotors.com.pg
Website: www.borokomotors.com.pg